



Iscrizioni a s'Albu de is Iscruculladoris

Su Comunu de Gésturi fait iscriri a totu is interessaus ca de su 1 de Mesi de Ladàmini a su 30 de Donniasantu, funt abertus is términis po agiornai s'Albu de is Iscruculladoris. Is interessaus funt cumbidaus a presentai sa domanda de iscrizioni/cancellazioni intru is términis inditaus asuba.

Rechisitus po fai s'iscrizioni

Su servítziu pertocat is tzitadinas e tzitadinus chi tenit prus de dexotu annus iscritus in is listas elettoralis de su Comunu de Gésturi chi:

- ant finiu s'obbligu iscolàsticu;
- no tenint càusas de incompatibbilitadi prevídias de s'art. 38 de su D.P.R. 30.03.1957 n. 361 e de s'art. 23 de su D.P.R. 16.05.1960 n. 570 (èssiri dipendenti de is Ministerus de s'Internu, de is Postas e Telecomunicatzionis, de is Trasportus, o fai parti de is Fortzas Armadas in servítziu, èssiri dotoris funtzionàrius de sa Ulss, dependentis comunalis cumandaus a prestai servítziu in s'Uffítziu elettorali).

In prus, po chistionis de oportunitadi, no podint fai s'iscruculladori de ségiu is parentis o afinis finzas a su segundu gradu, is pobiddas/pobiddus de unu candidau a is eletzioni amministrativas de su Comunu de Gésturi, e is delegaus de lista e mandatàrius elettoralis.

Descritzioni

Is tzitadinas e tzitadinus iscritus in is listas elettoralis de su Comunu chi tenint is rechisitus de idoneidadi podint pediri de èssiri iscritus in s'Albu de is Iscruculladoris de ségiu elettorali, e depint pre-

sentai sa domanda intru su mesi de Donniasantu; sa Commissioni eletorali comunali at a averigui is istàntzias lómpias, agiornendi s'Albu a su cumentzu de s'annu afatanti.

Intra sa de 25 e sa de 20 diis prima de is eletzionis, sa Commissioni eletorali comunali providit a sa nómina de is iscruculladoris e a donai is sègius isceberaus intra is iscritus in s'Albu.

S'iscruculladori de ségiu, po efetu de sa lei, in s'èsercítziu de is funtzionis suas, est considerau uffiziali pùbblicu.

Is personis inditadas a fai s'iscruculladori, funt obbrigadas a ddu fai francu chi tèngiant istrobbus sérius, chi ddis tocat a comunicai a s'Uffitziu Eletorali intru 48 oras da candu arricint sa notífica de sa nómina o candu, nexi de un'acuntéssiu, no podint cumpriri s'incàrrigu; o sinuncas, a refudai chene motivu perunu, ddis at a tocai a pagai una sanzioni amministrativa de € 206,00 a € 516,00.

Cumenti fai

Po fai s'iscritzioni a s'Albu tocat a fai sa domanda impreendi su módulu chi s'agatat in sa setzioni "Allióngius" in una de is modalidadis afatantis:

- a s'Uffitziu de cumpeténtzia de su lunis a a su cenàbara de is 10:00 de mengianu a sa 1 de merí;
- cun sa posta eletrónica a s'indiritzu protocollo.gesturi@pec.comunas.it;
- cun s'istàntzia in sa retza.

Cumenti fai a si ndi iscancellai

Po si ndi iscancellai de s'Albu tocat a fai sa domanda in una de is modalidadis afatantis:

- a s'Uffitziu de cumpeténtzia de su lunis a a su cenàbara de is 10:00 de mengianu a sa 1 de merí;
- cun sa posta eletrónica a s'indiritzu protocollo.gesturi@pec.comunas.it.

Ita ndi cunsighit

S'iscritzioni in s'Albu de is Iscruculladoris e sa possibilitadi de èssiri nomenaus iscruculladoris de ségiu in occasioni de eletzionis.

Agatais custa noba e is módulus po fai sa domanda de iscrizioni e po si ndi iscancellai de s'Albu in su situ de su Comune de Gésturi a custu acàpiu:

- <https://www.comune.gesturi.su.it/novita/iscrizione-albo-scrutatori/>

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.